



NATIONAL SENIOR CERTIFICATE EXAMINATION
NOVEMBER 2023

SETSWANA PUOTLALELETSO YA NTLHA: PAMPIRI YA II
SETSWANA FIRST ADDITIONAL LANGUAGE: PAPER II

MARKING GUIDELINES

Nako: 2½ Diura

Maduo: 100

These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.

The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.

KAROLO A DIKWALO TSA PADI

POTSO 1

1.1 PADI: *NTLHOMOLE MMUTLWA*: O. M. LOBELO

1.1.1 Phiritshweu.

1.1.2 Remofilwe le Rebafilwe.

1.1.3 Segonyamatlho o ne a neela Matsetseleko marobalo a sa mo itse, morago a mo neela tiro. Ka ntlha ya maitseo le matlhagatlhaga a ga Matsetseleko, o ne a feleletsa a mo ikanya ka go rolela tiro yotlhe ya lebenkele mo go ena. Ke Segonyamatlho yo o thusitseng Matsetseleko go fitlhelela ditoro tsa gagwe mo botshelong. Ke mothusi wa ga Segonyamatlho wa kwa lebenkeleng. O ne a mo thusa fela a sa duelwe a duelwa ka maroko le dijo.
(Dikarabo tse di maleba tsa batlhatlhojwa di elwe tlhoko.)

1.1.4 Semelo sa ga Matsetseleko

- O maitseo – o ne a tshaba kwa gaabo a sa batle go emelana le rraagwe fa a ne a mo gapeletsa go nna mogotsa molelo.
- O boikanyego – o ne a direla rre Segonyamatlho ntle le bothata, a filwe maikarabelo a go tlhokomela lebenkele.
- O botlhale – o ithutile ka boena ntle le thuso ya batsadi.
- O boineelo mo tirong – o ne a dira ka botswapelo kwa moepong go fiitlha a tlatlosiwa a nna mongwe wa balaodi ba moepo.
- O boteng, o kgona go tshwara sephiri – o kgonne go fitlhela botlhe ka ga lerato lwa gagwe le Palesa. Ga a bolelela Palesa gore o nna kae.
- O na le lerato la nnete – ga a ise a kgatlhegele mosetsana ope kwa ntle ga Palesa.
- O boitshwarelo – o itshwarela rraagwe le fa a tlhokofetse.
- O maaka – o ipeditse J Job Dikgole e se leina la gagwe la nnete.
(Dikarabo tse di maleba tsa batlhatlhojwa di elwe tlhoko). Tse pedi fela.

1.1.5 Lebaka le le dirileng gore Matsetseleko a tshabe kwa gaabo ke gore rraagwe o ne a mo gapeletsa go nna mogotsamolelo wa kwa kgosing. Rraagwe o mmoleletse gore o ya go mo isa kwa kgosing gore a mo tlhalosetse lebaka la go nna mogotsamolelo wa kgosing, e bile mmaagwe o ne a sa mo thuse go mmuelela mo go rraagwe. Rraagwe a re o mo dirile moaki mo ditsebeng tsa kgosi Kgololo / o batla go fitlhelela ditoro tsa gagwe.
(Dikarabo tse di maleba tsa batlhatlhojwa di elwe tlhoko.)

1.1.6 Nka kopa monna wa me go mo koba gonne re sa itse mekgwa ya gagwe. Mo nakong ya jaanong batho ba bolaya batho. / Nka mo amogela, ka mo naya marobalo gonne a sa itse ope, o tlaa tsamaya fa le tlhaba gonne go le bosigo, a ka tlhagelwa ke kotsi. / Motho ga a latlhiwe.
(Dikarabo tse di maleba tsa batlhatlhojwa di elwe tlhoko.)

1.2 Matsetseleko le mmaagwe Kelogile ba ne ba tsoga ba ya kwa phuphung ya ga rraagwe Kgori.

- Mmaagwe o ne a ya go supetsa Matsetseleko phuphu ya rraagwe Kgori ka a fitlhlwe a seyo, go sa itsiwe kwa a leng teng.
- Rraagwe o tlhokofetse a mo tshwaretse sekgopi ka a ganne go nna mogotsamolelo le go mo tsenya matlho a batho ka go ngwega.
- E ne e ka nna ka ura ya bosupa mo mosong fa Matsetseleko a tswa le mmaagwe ba ya ba lebile kwa diphuphung tsa motse.
- Matsetseleko a tsamaya a kgetla ditshele a dira ngatana e a tlaa fitlhang a e baya mo phuphung ya rraagwe.
- E rile fa a fitlha kwa phuphung, a sela letlapana a le latlhela fa godimo ga phuphu pele a baya malomo.
- Mmaagwe a mo tlogela a le esi go mo neela sebaka sa go akanya ka ga rraagwe ntle le kgoreletso.
- Dikakanyo tse di mafaratlhatlha tsa tsepa maikutlo a ga Matsetseleko fa a gopola nako e e fetileng a sa ntse a gola.
- O ne a ipotsa dipotso gore ke eng rraagwe a ne a mo patika go le kalo, a mo pateletsa go dira dilo tse a sa di kgoneng.
- A tsholola dikeledi fa a gopola gore o tlhokile bothitho le lerato lwa go nna le batsadi ba gagwe ka ntlha ya ga rraagwe.
- Fa Matsetseleko a ile le dikakanyo jalo, ke fa dikeledi di pumpunyega mo matlhong a gagwe. Mmaagwe a mo lemoga a sale fale.
- Mmaagwe a mo atamela, a mo robatsa mo sefubeng sa gagwe gore a phunye se se mo mafatlheng a gagwe a tle a mo thuse.
- Matsetseleko o bolelela mmaagwe gore o ne a tllhabilwe ke mmotlwa mme mmaagwe a palelwa ke go mo tlhomola boemong jwa go mo tlhomola a mo sega lonao.
- Mmaagwe o mo lemosa gore setlhare seo se neng se tlhogisa mebitlwa e e mo tllhabileng se omile e bile se wele.
- O mo tshepisa gore tsela e tlhagotswe a ye go nna se a batlang go nna sona o tla mo tshegetska ka dinako tsotlhe.
- A re o paletswe ke go mo tlhomola ka le ene a ne a patikilwe, o paletswe ke go bua le monna wa gagwe ka gonne a lailwe gore monna ga a fetolwe/ lefoko la monna le agelwa mosako.
- Kelogile le ene o simolola go lela e le gona a bonang ka moo monna wa gagwe a bogisitseng ngwana wa bona ka teng.
- Ba tla phela ka phuthologo ka gonne yo a ntseng a ba patika o robetse.
- Matsetseleko o tswa fa dinaong tsa ga rraagwe a mo itshwaretse le go ya go simolola botshelo sentle.

1.3 Moletlo e ne e le wa go tlhoma Matsetseleko mo setulong sa go nna rratoropo wa kgaolo ya Tswaing.

- Moletlo o ne o thologetswe ke badiredipuso, boradipolotiki le bakhuduthamaga ba mafapha a a farologaneng.
- Matsetseleko o ne a le motlotlo thata go fiwa maemo a a jaana.
- Baagi ba ne ba itumeletse tshweetso e ka ba bonela pele ditlhatlhobologo mo mafelong a bona.
- Maitseboa a lona letsatsi leo kgosi Kgololo o ne a kopa Matsetseleko go tsamaya le ena go iphokisa phefo kwa ntle ga motse.
- Ba ne ba tsena mo sejanageng sa ga Matsetseleko se seswa, ba tlhatlogela kwa thoteng.

- Fa ba fitlha kwa setlhoeng ba fologa mo sejanageng ba leba Phiritshweu kwa tlasenyana.
- Kgosi Kgololo o ne a bolelela Matsetseleko gore o a dumela gore rraagwe kwa a leng o robetse ka kagiso go bona molelo wa kgotla o a neng a eletsa go bona e le mogotsi wa ona, o nyedima kwa Phiritshweu.
- O itumelela gore molelo oo ga o a phatsimela kgotla ya kgosi fela, o nyedimela morafe otlhe.
- Kgosi Kgololo a leboga Matsetseleko fa bogosi jwa gagwe bo tumile gaufi le kgakala ka ntlha ya gagwe.
- Kgosi a re o rata go direla Matsetseleko moletlo o mongwe pele a tlogela setulo sa gagwe.
- Matsetseleko a leka go tsena kgosi ganong ka a makala gore kgosi o tlogedisiwa bogosi ke eng e tswa a sa ntse a kgona le fa a godile.
- Kgosi a mo kgaodisa, a mmolelela gore a mo neela bogosi ka ntlha ya ga Palesa morwadiagwe gonne mosadi a ka se buse monna a le gona.
- Kgosi a mmolelela gore Baphiring ke bao, a ba tlhokomele, a tswelele pele go ba direla go fitlhelela a tsofala.
- Ba boela kwa sejanageng menyenyano e sa fele mo difatlhegong tsa bona.
- Mogala wa ga Matsetseleko wa lela e le rre Segonyamatlho a botsa botsogo le go mo lebogisa fa a tlhotse a pegilwe mo setilong jaaka rratoropo wa kgaolo ya Tswaing.

(Dikarabo tse di maleba tsa batlhatlhojwa di elwe tlhoko.)

- 1.4 Rre Segonyamatlho o thusitse Matsetseleko jang mo botshelong ba gagwe, go simolola a tsena kwa Kgaladi go fitlha a bona tiro kwa moepong le go nna rratoropo wa Tswaing le dithotloetso tseo a di mo neileng mo botshelong.
- Segonyamatlho e ne e le motho wa botlhokwa mo botshelong jwa ga Matsetseleko ka go nna le tsholofelo mo go ena a sa mo itse.
 - Matsetseleko o fitlhile kwa Kgaladi a sa itse ope mme a gorogela kwa lebenkeleng la ga Segonyamatlho ka a ne a tlaetswe a sa itse gore a lebe kae.
 - Segonyamatlho o ne a mo fitlhela a robetse fa ntle ga lebenkele ka nako ya go tswalela. Morago ga go mo tlhalosetsa mathata a gagwe a mo tsaya a mo isa kwa ntlong kwa a filweng dijo le marobalo.
 - Ka letsatsi le le latelang o ne a mo adima baki e a tla e aparang fa a ya go batla tiro kwa moepong mme a tsamaya le ena a mo folosa mo tseleng e e yang kwa meepong.
 - Fa Segonyamatlho a mo folosa, a mmolelela gore fa a fetsa a boele kwa ga gagwe gonne a ne a lemogile gore Matsetseleko ga a na kwa a ka yang.
 - O ne a neela Matsetseleko tiro mo lebenkeleng la gagwe le marobalo gonne a lemogile boineelo le matlhagatlhaga tsa gagwe mo tirong.
 - Le fa Rre Segonyamatlho a bona Bra Boots a tswa mo lebenkeleng a le mo motlhaleng wa Matsetseleko seo ga se fetole lerato le tshepo ya gagwe mo go Matsetseleko ga a mo kobe a re o batliwa ke maphodisa.
 - Go amogela Matsetseleko le go mo tshepa go dirile gore a imologe mo go se se mo tshwenyang ka a ne a simolola go ikutlwa a natefelelwa ke go tshela.
 - Go mo tshola ntle le go mo duedisa le go tlogela maikarabelo otlhe a lebenkele mo go Matsetseleko go mo dirile gore a nne le maikarabelo le kgotlelelo.

- Go kgona go batla tiro kwa moepong le go mo letlelela go dirisa aterese ya gagwe fa a dira dikopo tsa tiro go bontshitse Matsetseleko fa e le motsadi yo o mo tlhokang mo kgolong ya gagwe.
- Go nneng ga gagwe kwa ga Segonyamatlho go mo neetse tshono ya go ikaga, go ipatla le go ipatlisisa le go bona nako ya go ithuta dilo di le mmalwa tse a neng a palelwa ke go di dira kwa Phiritshweu.
- O ithutile botsamaisi ka go nna motlhokomedi wa lebenkele la ga Segonyamatlho gonne o ne a mo tlogela le kgwebo, e ne e nna ena a yang go reka dilwana tse di tlhokegang, a tshola madi.
- O ne a tsholegile sentle kwa Kgaladi, e bile a fetogile a sa tlhole a tshwana le fa a ne a le kwa Phiritshweu.
- Matsetseleko o bona tiro kwa moepong a ntse a nna kwa ga Segonyamatlho a ntse a mo nolofaletsa botshelo ka go mo tshegets a mo go tsotlhe tse a di dirang.
- O mo rekisetsa koloi a mmolelela gore motho wa maemo a gagwe ga a tshwanela go ya tirong ka bese.
- Segonyamatlho o ile a tshegets a Matsetseleko morago ga go bona tiro kwa moepong le fa a ne a utlwile botlhoko go latlhegelwa ke modiri yo o tshwanang le ena yo o boikanyego.
- Fa a welwa ke madimabe a go tsena mo nthagarageng le dinokwane, Segonyamatlho o a mo tshegets a ka a itse mekgwa ya gagwe e bile a dumela fa a se na molato.
- Segonyamatlho o tsaya matsapa a go ya kwa Phiritshweu go ba itsise ka go tshwarwa ga Matsetseleko le go mo kopanya le ba ga gaabo morago ga go tswa kwa kgolegolong.
- O tswela go ikgolaganya le ena le fa a boetse kwa gae, botsalano jwa bona bo a tswela.
- Morago ga go tlhomiwa rratoropo le kgosi ya kwa Phiritshweu, o mo elelets a masego mo katlegong ya gagwe.

(Dikarabo tse di maleba tsa batlhatlhojwa di elwe tlhoko.)

KAROLO B DIKWALO TSA TIRISANO

POTSO 2 LEKWALO LA SEMMUSO/BOTSALANO

PAPETLANA YA KABOMADUO YA DIKWALO: LEKWALO LA SEMMUSO / LEKWALO LA BOTSALANO.

| Maduo 30 | Phitlhelelo ka dinaledi 14–18 | Phititlhelelo ya maemo a a kwa godimo 13–14 | Phithelelo e e tletseng 11–12 | Phitlhelelo e e itumedisang 9–10 | Phitlhelelo e e bokoa 7–8 |
|--|---|--|--|---|--|
| Diteng, thulaganyo le sebopego 18 | <p>Kitso e e kgethegileng ka lekwalo.</p> <p>Kitso e e kgethegileng ya tiriso ya mokwalo.</p> <p>Dikakanyo tse di tsamaelanang le lekwalo.</p> <p>Manontlhotlho a a senang diphoso.</p> <p>Sebopego se se maleba.</p> | <p>Kitso e ntle ya ditlhokego tsa lekwalo.</p> <p>Dikakanyo tse dintle tse di tshegeditseng setlhogo.</p> <p>Bosupi jo bontle jwa go rulaganya dintlha.</p> | <p>Kitso e e bogareng ya ditlhokego tsa lekwalo.</p> <p>Kitso e e bogareng ya go kwala lekwalo.</p> <p>Bosupi jo bo tletseng jwa go rulaganya lekwalo.</p> | <p>Kitso e e lekaneng ya ditlhokego tsa lekwalo.</p> <p>Kitso e e lekaneng ya go kwala lekwalo.</p> <p>Bosupi jo bo lekaneng jwa go rulaganya dintlha.</p> | <p>Kitso e potlana ya ditlhokego tsa lekwalo.</p> <p>Kitso e e kwa tlase ya go kwala lekwalo.</p> <p>Bosupi jo bo tlhaelang go rulaganya lekwalo.</p> |
| Puo, setaele le tseleganyo 12 | <p>Kagego e e nepagetseng ya lekwalo.</p> <p>Tlotlofoko e e kgethegileng.</p> <p>Setaele le regisetara e e manontlhotlho.</p> <p>Setlhangwa se se senang diphoso.</p> <p>Boleele bo nepagetse.</p> | <p>Lekwalo le le kwadilweng sentle le nepagetse.</p> <p>Tlotlofoko e ntle e e maleba.</p> <p>Setaele le regisetara e e kwa godimo.</p> <p>Setlhangwa se senang diphoso.</p> <p>Boleele bo nepagetse.</p> | <p>Lekwalo le le tlhamilweng ka tekano.</p> <p>Tlotlofoko e e nang le maikemisetso.</p> <p>Setaele le regisetara tse di maleba.</p> <p>Diphoso di bonala fale le fale.</p> <p>Boleele bo lekane.</p> | <p>Lekwalo le le bokoa le sa nepagala.</p> <p>Tlotlofoko e e batlang paakanyo.</p> <p>Setaele le regisetara ga di maleba.</p> <p>Diphoso tse dintsi.</p> <p>Boleele bo feteletse / bo bokhutshwane.</p> | <p>Lekwalo le le bokoa le tlhakatlhakane.</p> <p>Tlotlofoko e tlhoka paakanyo e e tseneletseng.</p> <p>Setaele le regisetara ga di tsamaelane le setlhogo.</p> <p>Diphoso tse di motlele.</p> <p>Boleele bo feteletse / bo bokhutshwane thata.</p> |

POTSO 3 DIKWALO TSE DIKHUTSHWANE

PAPETLANA YA KABO YA MADUO YA DIKWALO TSE DIKHUTSHWANE.

Ela tlhoko: Maikaelelo a karata ya tshedimosetso ke go go kaela kabo ya maduo. Itse gore potso e bua ka matseno, mmele le bokhutlo, wena o itse gore karata ya tshedimosetso e bopegile jang. O tshwanetse go ranola kagego e, ke gore thatlologano ya dikakanyo kgotsa diteng.

| <i>Kgaoganyo ya maduo</i> | <i>Diteng</i> | <i>Kagego</i> | <i>Tirisopuo 1</i> | <i>Tirisopuo 2</i> | | |
|----------------------------------|--|--|---|-----------------------------------|--------------------------|-----------------|
| Phopholetso ya ntlha. | Dikakanyo tsa Serutwa. Maikutlo, mowa, boitshimolo-ledi. | Thulaganyo / kagego: temana ya matseno le ya bokhutlo. Tatelano ya ditemana. | Tlhamo ya dipolelo, motswako, mopeleto le matshwao-puiso. | Puo, tiriso ya maele, tlotlofoko. | Palogotlhe ya kgaoganyo. | Maduo a bofelo. |
| 10 | 5 | 2 | 2 | 1 | 10 | 10 |

Maduo otlhe: 100